



Broj: UP09-07-1-1377/17
Sarajevo, 10.07.2017. godine

Ministarstvo pravde Bosne i Hercegovine, rješavajući Zahtjev osnivača Regionalne Asocijacije Poduzetnica Poslovna Žena, za upis u Registar udruženja, na osnovu člana 8. i 33. Zakona o udruženjima i fondacijama Bosne i Hercegovine ("Službeni glasnik BiH", br. 32/01, 42/03, 63/08, 76/11 i 94/16) i člana 4. stav 1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija ("Službeni glasnik BiH", br. 44/10 i 14/12), d o n o s i

R J E Š E N J E

1. U Registar udruženja kod Ministarstva pravde Bosne i Hercegovine, pod registarskim brojem 2050, Knjiga I Registra dana 10.07.2017. godine, upisuje se udruženje pod nazivom:
 - a) Regionalna Asocijacija Poduzetnica Poslovna Žena
Регионална Асоцијација Подузетница Пословна Жена
Regionalna Asocijacija Poduzetnica Poslovna Žena
 - b) Skraćeni naziv Udruženja glasi:
RAP Poslovna Žena
РАП Пословна Жена
RAP Poslovna Žena
2. Sjedište Udruženja je Sarajevo, ulica Reljevska do broja 48.
3. Ciljevi i djelatnosti Udruženja su: povećanje vidljivosti i unapređenje uticaja u poslovnoj zajednici žena poduzetnica na nacionalnom, regionalnom i međunarodnom nivou; razvoj onovativnih rješenja za poslovne izazove kroz razmjene iskustava i ekspertize zasnovane na jačanju aktivnosti poslovnih žena na razvoju ženskog poduzetništva; promocija poduzetništva žena i razvoj postignuća u saradnji sa nadležnim vladinim i nevladinim organizacijama u cilju unapređenja i stvaranja boljeg poslovnog ambijenta; kontinuirana edukacija u razvoju poslovanja i liderstva kroz povezivanje žena i povećanje njihove konkurentnosti; saradnja, povezivanje i umrežavanje poduzetnih žena u regionu i svijetu u cilju razmjene iskustva i sticanje novih poslovnih kontakata; proslavljanje uspjeha žena poduzetnica kroz organizacije godišnjeg izbora najuspješnijih, kao i kroz promociju uspjeha poslovnih priča žena u medijima i javnom životu i izdavanje publikacija u svrhu ostvarivanja ciljeva i djelatnosti Udruženja, u skladu sa Zakonom.
4. Lice ovlašteno za zastupanje Udruženja je:
Dženita Zidrum, predsjednica Udruženja.
5. Danom upisa u Registar udruženja kod Ministarstva pravde Bosne i Hercegovine, Udruženje stiče svojstvo pravnog lica i ima slobodu djelovanja na cijelom području Bosne i Hercegovine isključivo pod registriranim nazivom.

6. Ovo rješenje će se objaviti u „Službenom glasniku BiH“, o trošku podnosioca zahtjeva i na internetskoj stranici Ministarstva pravde Bosne i Hercegovine.

O b r a z l o Ź e n j e

Osnivači Regionalne Asocijacije Poduzetnica Poslovna Žena, podnijeli su 03.07.2017. godine, zahtjev za upis u Registar udruženja kod Ministarstva pravde Bosne i Hercegovine.


Uz Zahtjev za upis u Registar udruženja priložena su sljedeća dokumenta: Zapisnik sa sjednice Osnivačke Skupštine Regionalne Asocijacije Poduzetnica Poslovna Žena od 12.05.2017. godine; Odluku o osnivanju Regionalne Asocijacije Poduzetnica Poslovna Žena od 12.05.2017. godine; Statut Regionalna Asocijacija Poduzetnica Poslovna Žena, broj: 02/17 od 12.05.2017. godine u dva primjerka; Odluku o imenovanju organa Udruženja od 12.05.2017. godine, sa ovjerenim fotokopijama ličnih karata i potpisom lica ovlaštenog za zastupanje Udruženja u pravnom prometu; ovjerene fotokopije ličnih karata osnivača i članova Predsjedništva Asocijacije; Izjava podnosioca zahtjeva iz člana 31. t.f) Zakona od 30.05.2017. godine i dokaz o uplati administrativne takse.

Na osnovu činjenica utvrđenih u postupku, proizilazi da su ispunjeni uslovi predviđeni Zakonom o udruženjima i fondacijama Bosne i Hercegovine i Pravilnikom o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis Regionalne Asocijacije Poduzetnica Poslovna Žena, u Registar udruženja kod Ministarstva pravde Bosne i Hercegovine, pa je doneseno rješenje kao u dispozitivu.

Na ovo Rješenje naplaćena je administrativna taksa u iznosu od 200,00 KM, u skladu sa članom 33. stav 2a. navedenog Pravilnika.

Pouka o pravnom lijeku:

Protiv ovog rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog rješenja.



Dostavljeno:

- Dženita Zidrum,
Ulica Envera Šehovića broj 44, 71 000 Sarajevo
(za Asocijacija Poduzetnica Poslovna Žena)
s ovjerenim Statutom, broj: broj: 02/17 od 12.05.2017. godine;
- Zbirka isprava;
- JP NIO "Službeni list BiH".